



**Broj: 12-11-15-499-1/21**  
**Sarajevo, 10. 3. 2021. godine**

Na osnovu člana 72. stav (3) Zakona o javnim nabavkama („Službeni glasnik BiH“, broj 39/14), nakon provedenog postupka javne nabavke štamparskih i knjigovezačkih usluga za potrebe Ureda za reviziju institucija u Federaciji Bosne i Hercegovine putem konkurentskog zahtjeva za dostavu ponuda i preporuke Komisije za nabavku štamparskih i knjigovezačkih usluga broj: 12-11-15-94-9/21 od 10. 3. 2021. godine, generalni revizor donosi

## ODLUKU

### o dodjeli ugovora drugorangiranom ponuđaču za nabavku štamparskih i knjigovezačkih usluga putem konkurentskog zahtjeva za dostavu ponuda

#### I

Poništava se Odluka o izboru najpovoljnijeg ponuđača za nabavku štamparskih i knjigovezačkih usluga putem konkurentskog zahtjeva za dostavu ponuda broj: 12-11-15-499/21 od 18. 2. 2021. godine, kojom je za najpovoljnijeg ponuđača izabrana ponuda ponuđača KOPIKOMERC s.p., Ul. Vuka Karadžića br. 30, 71 123 Istočno Novo Sarajevo, čija cijena iznosi 4.650,00 KM bez PDV-a.

#### II

Prihvata se preporuka Komisije za javnu nabavku broj: 12-11-15-94-9/21 od 10. 3. 2021. godine i ugovor o javnoj nabavci za štamparske i knjigovezačke usluge dodjeljuje se drugorangiranom ponuđaču, O.R. Agenciji Aligo, čija ukupna cijena nakon e-aukcije iznosi 4.700,00 KM bez PDV-a, jer je u konkurentskom zahtjevu za dostavu ponuda, nakon provedene e-aukcije, po rang-listi odmah nakon najpovoljnije ponude ponuđača KOPIKOMERC s.p.

#### III

Drugorangirani ponuđač, O.R. Agencija Aligo, Ul. Lužansko polje br. 7, 71 210 Ilidža, dužan je u roku od 5 (pet) dana od zaprimanja ove Odluke na adresu Ureda za reviziju institucija u Federaciji Bosne i Hercegovine, Ložionička br. 3, 71 000 Sarajevo, dostaviti popunjen i ovjeren Obrazac za cijenu ponude (Aneks I) sa umanjenom cijenom postignutom nakon provedene e-aukcije iz tačke 3.3, kao i originale ili ovjerene kopije dokaza traženih tačkama 8.11 i 8.12 Tenderske dokumentacije, ne starije od tri mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

#### IV

Ova odluka stupa na snagu danom potpisivanja.

### Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) pokrenuo je, u skladu s odredbama Zakona o javnim nabavkama („Službeni glasnik BiH“, broj 39/14) i Odlukom broj: 12-11-15-94/21 od 12. 1. 2021. godine, postupak nabavke putem konkurentskog zahtjeva za dostavu ponuda za izbor najpovoljnijeg ponuđača za nabavku štamparskih i knjigovezačkih usluga za potrebe Ugovornog organa.

Obavještenje o javnoj nabavci broj: 296-7-2-2-3-3/21 objavljeno je na Portalu javnih nabavki 26. 1. 2021. godine.

Komisija za javnu nabavku za izbor najpovoljnijeg ponuđača za nabavku štamparskih i knjigovezačkih usluga Ureda za reviziju institucija u Federaciji Bosne i Hercegovine, imenovana Rješenjem generalnog revizora broj: 12-11-15-94-

1/21 od 20. 1. 2021. godine, prije zakazivanja e-aukcije izvršila je rangiranje prihvatljivih ponuda ponuđača, prema kriteriju najniža cijena tehnički zadovoljavajuće ponude, na sljedeći način:

- O. R. Agencija Aligo
- KOPIKOMERC s.p.

Nakon uspješno završene e-aukcije, Komisija je izvršila rangiranje prihvatljivih ponuda, prema kriteriju najniža cijena tehnički zadovoljavajuće ponude, na sljedeći način:

- KOPIKOMERC s.p.
- O.R. Agencija Aligo.

Na preporuku Komisije iz Zapisnika o pregledu i ocjeni ponuda broj: 12-11-15-94-8/21 od 17. 2. 2021. godine donesena je Odluka o izboru najpovoljnijeg ponuđača za nabavku štamparskih i knjigovezačkih usluga putem konkurentskog zahtjeva za dostavu ponuda broj: 12-11-15-499/21 od 18. 2. 2021. godine, kojom je za najpovoljnijeg ponuđača izabrana ponuda ponuđača KOPIKOMERC s.p., čija cijena iznosi 4.650,00 KM bez PDV-a, jer je u konkurentskom zahtjevu za dostavu ponuda, nakon uspješno okončane e-aukcije, ponudio najnižu cijenu tehnički zadovoljavajuće ponude, u skladu s članom 64. stav (1) tačka b) Zakona o javnim nabavkama.

Shodno Obavještenju ponuđačima o rezultatima postupka i o izboru najpovoljnijeg ponuđača broj: 12-11-15-242-2/21 od 18. 2. 2021. godine, ponuđač KOPIKOMERC s.p. bio je dužan u roku od 5 (pet) dana od zaprimanja Obavještenja i Odluke o izboru najpovoljnijeg ponuđača broj: 12-11-15-499/21 od 18. 2. 2021. dostaviti popunjen i ovjeren obrazac za cijenu ponude (Aneks I) sa umanjenom cijenom nakon provedene e-aukcije iz tačke 3.3 Tenderske dokumentacije i originale ili ovjerene kopije dokaza traženih tačkama 8.11 i 8.12 Tenderske dokumentacije, ne starije od tri mjeseca od dana predaje ponude, u skladu s dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Uvidom u knjigu djelovodnog protokola Ugovornog organa utvrđeno je da je 22. 2. 2021. godine ponuđaču KOPIKOMERC s.p. otpremljeno Obavještenje ponuđačima o rezultatima postupka i o izboru najpovoljnijeg ponuđača broj: 12-11-15-242-2/21 od 18. 2. 2021. godine i Odluka o izboru najpovoljnijeg ponuđača broj: 12-11-15-499/21 od 18. 2. 2021. godine, a uvidom u dostavnicu utvrđeno je da je dostavljanje navedenih dokumenata najpovoljnijem ponuđaču KOPIKOMERC s.p. izvršeno putem pošte 24. 2. 2021. godine.

Kako izabrani ponuđač u ostavljenom roku, po prijemu Obavještenja i Odluke o izboru najpovoljnijeg ponuđača, nije dostavio traženu dokumentaciju kako je to traženo tačkama 3.3, 8.11 i 8.12 Tenderske dokumentacije, a što je bio dužan dostaviti do 2. 3. 2021. godine, to je, prema odredbama člana 72. stav (3) tačka a) Zakona o javnim nabavkama, zbog njegovog propuštanja da dostavi originale ili ovjerene kopije tražene dokumentacije, Ugovorni organ ugovor dodjeljuje drugorangiranom ponuđaču.

Nadalje, KOPIKOMERC s.p. se pisanim putem dopisom broj: 001/2021 koji je primljen putem pošte, dana 8. 3. 2021. godine očitovao da odustaje od dodjele ugovora, te shodno odredbi člana 72. stav (3) tačka c) Zakona, Ugovorni organ ugovor dodjeljuje drugorangiranom ponuđaču.

Iz navedenih razloga, prihvaćena je preporuka Komisije za javnu nabavku broj: 12-11-15-94-9/21 od 10. 3. 2021. godine, te je odlučeno kao u dispozitivu ove odluke.

Dostaviti:

- KOPIKOMERC s.p.;
- O.R. Agencija Aligo;
- u spis predmeta nabavke
- a/a

